

خبرنگار محاکمه

جمعه ایرتسی

نومرو	محرم	سنه	تموز	سنه	صفحه
۷۱۱	۱	۱۳۱۱	۳	۱۳۰۹	۱۰۴۹۳

(اشبوغزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیه التمش غروشدر . طشره لر ایچون اون بش غروش پوسته اجر تی ضم اولنور . بهر)
 (نسخه سی ینه مجیدیه یکر می غروش اولق اوزره یوز پاره به هر یرده ساتیلور . درج اولنه جق)
 (اعلا ناک هر برندن بر مجیدیه اخذ اولنور . سنه لکنه مشتری اولق استیانیلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمت رسی

— تصحیح سهو ورقه سی —

جریده محاکم ۷۱۰ نومرولی نسخه سنک
 ۱۰۴۷۸ نجی صحیفه سنک برنجی سستوننک برنجی
 سطرنده (محکمه تمیز اعضائی عدلیه نظارت
 جلیله سی سجل مدیری سابق سعادتلو انور بک
 افندی حضرتلرینه) دیو یازیله جق یرده مرتب
 سهوی اوله رق میر مشار الیهک محکمه استیناف

— توجیهات —

سومبکی جزیره سی بدایت محکمه سی ریاستی
 قالینوز بدایت محکمه سی رئیس سابق محمد
 افندی به
 قالینوز جزیره سی بدایت محکمه سی ریاستی کر به
 بدایت محکمه سی رئیس سابق علی وهبی افندی به

کر به جزیره سی بدایت محکمه سی ریاستی
عدلیه نظارت جلیله سی سبیل قلمی خلفا سندن
عاشر بکه

هریک بدایت محکمه سی ریاستی کر به
بدایت محکمه سی رئیس اسبق غالب افندی به

اعاده تشکیل اولنان کور بجه تجارت محکمه سی
ریاستی در سعادت تجارت محکمه سی ضبط کتبه سندن
محمد شاکر افندی به تفویض بیورلش ومومی
البهمدن علی وهی وشاکر افندی لاله عاشر بک
در سعادت بولملری حسابله اصول مقررده سی
وجهله مغایر عدالت حرکاتده بولمیه جقلمینه
و ذات شوکتسمات حضرت خلافتیناهی به صادقانه
ایضای خدمت ایله جکلمینه دائر تحلیفلی احرا
قلنوب محالرنده بولنان محمد وغالب افندی لک دخی
اجرای امر تحلیفلی ایچون جزایر بحر سفید
ولایت جلیله سنه ثبکغات مقتضیه ایضا اولمشدر

(رتبه)

عدلیه نظارت جلیله سی امور حقوقیه مدیری
عطوفتو سامی افندی حضرتلرینه ترفیعاً
رتبه بالا

در سعادت استیناف محکمه سی جنجه قسمی

رئیس سعادتو جلال الدین بک افندی حضرتلرینه
محکمه مذکورده اعضا سندن سعادتو حمدی افندی
حضرتلرینه وظائف مأموریتلرینی رویتندان
ایضا ایتمکده اولملرینه مبنی ترفیعاً رتبه اولی
صنف اولی

محکمه تمیز جزا دائره سی بش میز سعادتو
جیل بک افندی به حسن خدمت وغیرتی جهتیه
ترفیعاً رتبه اولی صنف ثانیه

تجارت بحریه محکمه سی رئیس عزتو عثمان بکه
وظیفه مأموریتی حسن ایضا ایتمسینه مبنی رتبه
ثانیه صنف متمیزی

در سعادت استیناف محکمه سی مدعی عمومیلکی
باش معاونی عزتو ممدوح بکه وظیفه مأموریتی
رویتندان ایضا ایلمسینه مبنی رتبه ثانیه
صنف ثانیه

محکمه تمیز ضبط کاتبیلرندن عزتو ابراهیم
ادهم افندی بک رتبه علمیه سیک ملکیه به تحویلله
عهده سنه رتبه ثانیه صنف متمیزی

محکمه تمیز میزلرندن عزتو ممدوح و برنجی
صنف ضبط کاتبیلرندن رشید بکله حسن خدمتلی
جهتیه رتبه رابعه توجیه بیورلشدر .

(نشان)

وظائف مأموریتلرینی رویتندان ایضا
ایتمکده اولملری جهتیه عدلیه نظارت جلیله سی
محاسبه جیسی سعادتو نظیف و محکمه تمیز
اعضا سندن بکر صدق بک افندی لار حضرتانه
تبدیلان ایکنجی رتبه دن عثمانی

عدلیه نظارت جلیله سی حواله مدیری سعادتو
ادهم بک افندی به حسن خدمت وغیرتی مشهود
اولسینه مبنی تبدیلان اوچنجی رتبه دن عثمانی نشان
ذیشانلری احسان بیورلشدر .

بعلبک قضاسی بدایت محکمه سی برنجی کاتب
سابق اولوب اصحاب دعاویدن فضله خرج و رسوم
اخذینه وسائر صورته ده مغایر قانون افعال
و حرکاته جرأتی اخبار اولنمسنند طولانی تحت
محاکمه به التمش اولان شبلی حیدر افندی بک محکمه
مذکورده جه جریان ایدن محاکمه سی نتیجه سنده
برائت ذمتنه قرار ویرلدیکی سوریه ولایتی
استیناف محکمه سی مدعی عمومیلکنندن عدلیه
نظارت جلیله سنه وقوع بولان اشعار ایله ارسال

اولنان اوراقدن مستبان اولمشدر .

صوشهری قضاسی بدایت محکمه سی اعضا سندن
اولوب مستنطق وظیفه سنی ایضا ایدن ابراهیم افندی بک
اندون اوغلی خاجیک نام شخصی خلاف اصول
اوله رق توقیف وتخلیه ایلدیککی ومحلی مدعی عمومی
معاونی وکیلک دخی معامله واقعه ده اشتراکی
اولدینی سیواس مدعی عمومیلکنندن مبعوث
اوراق تحقیقه مؤدا سندن اکلا شلمسیله مومی
البهمانک تحت محاکمه به التملری ضمتنه عدلیه
نظارت جلیله سندن مذکور مدعی عمومیلکه
مأذونیت ویرلشدر .

قسم غیر رسمی

اورخ قریه لی شیا بک قتلندن طولانی اتهام
اولنان خلط قریه لی محمد بن اوزونک کافی السابق

قانون جزانك يوز يتيش دردنجي ماده سنده تطبيقاً
اون بش سنده مدته كوركه قونلمسده دائر موش
قرار ويرلدى .

في ۳ ذى الحجه سنه ۳۱۰
وفي ۵ حزينان سنه ۳۰۹

ايلبضان سنجايى بدايت محكمه سى جزا
دائرة سندن ويرلوب مع متفرعات باش مدعى
عموميلك مأموريت عليه سندن ۱ مائيس سنه ۳۰۹
تاريخ وايكيوز طقسان بر نومرولى تبليغنامه ايله
محكمه تميز جزا دائره سنده كوندريلان ۱۶ كانون
اول سنه ۳۰۸ تاريخ و طقسان التى نومرولى
اعلام مطالعه اولدى .

اعلام مذ كورك مالى ايلبضانلى قبطى ابراهيم
بن شعبانك قتلندن طولايى جنايتله اتهام اولنان
رمضان منقش ولى بلاشك اجرا قلنان محاكمه
عليه لرى تيجيه سنده قانون جزانك يوز يتيش
دردنجي ماده سنده توفيقاً اون بش سنده مدته كوركه

قونلملرينه حكم اولنديغى حاويدر .
لزوم ارسالنه ۱۹ مائيس سنه ۳۰۹ تاريخنده
قرار ويرلدى .

في ۵ ذى الحجه سنه ۳۱۰
وفي ۷ حزينان سنه ۳۰۹

تبليغنامه ده دخى متهملرك وقعه زمانى
بولندقلرينى وكورشيدكارينى سويلدكارى جمالى
طاغوايله ضبطيه ابراهيمك معلوماتلرينه مراجعتله
تعميق و تدقيقات و زمان وقعه حقتده طلب
ايضاحات اولمى و متهملرك مقتولدن نه سبب
ايچون اچجه طلب ايتدكارينك و مقتولك قاج
ياره سى اولوب قنى ياره دن وفات ايتمش و او
ياره ينى متهملرك قنغيسى ايضاح ايلمى و او ارهلق
كندولرنده نه كى سلاح بولمىشدر بورالرينك
دخى بالا طرف تحقيقاتى مقتضى ايكن نقصان
بر اقلمش اولديغندن بختله مذ كورك اعلامك تقضى
طلب اولمىشدر .

سائر اوراق دعوى دخى قرائتله تدقيقات
تميزيه اجرا اولندوقده مأموريت مششار اليهانك
تبليغنامه سنده كوستريلان اعتراضات نقض حكمى
موجب اسباب قانونيه دن بولمىشدر اصول محاكمات
جزائيه قانوننك اوچيوز اون دردنجي ماده سى
موجبجه اعلام مذ كورك نقضه و اعلام خرجى
اولان ايكيوز غروشك باتحصيل محكمه تميزه

(كونيك بدايت محكمه سندن ۱۳ شباط)
(سنه ۳۰۷ تاريخى وايكى عددى ايله ويريلان)
(اعلامك مابعدى)

سنه مرقومه دن برو تسليماتى اولان اوچ بيك
يوز اون غروشك مقبوضى حاوى ويرلش اولان
ايكى قطعه علم وخبرى ابراز ايدرك شو صورتله
تماماً استيفاي دين ايتمش اولديغندن مذ كورك
صندوقه بورجى اولديغنى نذكار و تحصيلي ادعا
اولنان دين ومبرز سند زيرنده كى مهرى كلياً انكار
ايتمىشله جلب و تدقيق ايديلان ملغا منافع صندوق
دفاتر يله مدعى عليه مرقومك تسليماتى مشعر ابراز
ايلديكى علم وخبر نارينلرنده كورك يلان فرق و تفاوتك

حل و تدقیق ضمننده تعیین قلنان میز جانبندن
تنظیم واعطا قلنان تقریر اوزرینه اجرا قلنان
تدقیقات نتیجه سنده مرقوم ملا مصطفانک ملغا
منافع صندوقدن اوج بیک غروش استقراض
ایلدیکی تحت اعترافنده بولمسنه و بوکا مقابل
تسلیماتک اوجیوزایکی و اوجیوز اوج سنده لرنده
وقوع بولمسنه نظراً سند مزبور زیرنده کی مهرک
ملا مصطفانک اولدینی تین ایتیش و مذکور دین
سندی ایله تسلیمات علم و خبرلری بیننده کوریلان
فرق و تفاوتک یوز غروش گذشته دن عبارت
ایدوکی میز تقریر بنده کوستریلرک بونک اصل
دیندن بالتذیل باقی ذمتی اولدینی تحقیق ایدن یدی
بیک التیوز سکسان بر غروشدن انف الیاب
علم و خبرلرک ناطق اولدینی وجهله تسلیماتی اولدینی
ثابت اولان طقوز یوز التمش یش غروشک
محسوبی مقتضی ایسده تسلیمات مذکورده نک
اولوقت صندوق امینی بولنان سعداء افندی
طرفندن صندوقه یازلیوب ذکر اولنان علم و خبرلرک
اچیقندن ویرلش اولدینی تین ایلدیکندن مبلغ
مزبوردن طولانی مومی الیه سعداء افندی به
مراجعت ایتک اوزره مذکور یدی بیک التیوز
سکسان بر غروشک مجله نک بیک التیوز اوننجی
ماده سی موجبجه مرقوم ملا مصطفانک تحصیلنه

و بورجه محسوب مرقوم ملا مصطفانک علم و خبرسز
اوله رق مومی الیه سعداء افندی ایله اسبق صندوق
امینی ابراهیم افندی به درمیان ایلدیکی اوج بیک
کسور غروش تسلیمات ادعاسنی جلب و دعوت
ایدیلان مومی الیه مانک انکارینه مقابل اثباتدن
اظهار عجز ایتیمی اوزرینه طلیله سعداء افندی نک
تحلیفی اجرا قلندیغه و ابراهیم افندی نک تحلیفی
طالب اولدیغه مینی اولاباده کی ادعاسنک دخی
ردینه حکمدن و اشبو حکم علیهنده مستدعی تمیز
ملا مصطفی و کیلی رجب اغانک باشلوجه اعتراضی
عندالمحا که خصمی جانبندن ابراز اولنان سند
زیرنده کی مهرک موکلی طرفندن انکار اولمش
ایکن خط و خاتم قاعده سنده توفیقاً تدقیق قلماسی
مغایر قانون اولدیغندن بحثله اعلامک نقضی
استدعاسندن و میز علیه زراعت باقه سی و کیلی
اوخانس افندی نک نتیجه جوابی دخی مبرز سندک
تزویر و تصنیعدن سالم بولندی مین اولدینی
بیانیه اعلامک تصدیق طلبندن و معاون مومی
الیهک مطالعه سی دخی مستدعی تمیز انشای محاکمه
ابتدایه ده سند منازع فیه زیرنده موضوع مهر
وامضاسنی انکار ایتیش و تدقیق خط و خاتم
قاعده سنده توفیقاً اولاباده اجرای تدقیقات ایله
حکم اعطاسی لازمهدن بولمش اولدیغه مینی

اعتراضات واقعه نک موافق قانون اولدینی بیانندن
عبارت بولمشدر .

ایجابی مذاکره اولندقه اعلام مذکور
مطالعہ سندن اکلشلدینی اوزره بدایه مدعینک
ابراز ایلدیکی سند زیرنده کی مهرک مدعی علیه
ملا مصطفی جانبندن انکار ایدلسی اوزرینه اصول
محاکمه حقوقیه قانون موقتک باب رابعنک دردنجی
فصلنده محرر تدقیق خط و خاتم قاعده سنده توفیقاً
مهر منکر حقنده تدقیقات و تطبیقات لازمه اجرا
سیله تین ایدیه جک حاله کوره حکم و قرار ویرلک
مقتضی اولدینی حالدیه محکمه مرقومه جه بوراسنه
دقت ایدلیهرک مهری انکار اولنان سند مزبوره
بناءً بروجه محرر قرار ویرلسی اصول و قانونه
مغایر و مستدعی وکیلنک اعتراضی ایله معاون
مومی الیهک مطالعه سی دخی بو جهته متسداثر
اوله رق موافق نفس الامر کورلش اولدیغه مینی
قانون مزبورک ایکیوز اتوز ایکنجی ماده سی
موجبجه اعلام مذکورک تفضیله ایکیوز قرق
دردنجی ماده سی حکمنه توفیقاً کیفیتک بالرؤیه
اعلامه ربطی ضمننده محکمه مذکوریه اعاده سنده
وزیرده مفرداتی مرقم اوجیوز طقسان طقوز بحق
غروش مصارف تمیزی به نک ایلروده حقیر

حقیقه جق طرفه رجوع ایتک اوزره اول امرده
مستدعی تمیز ملا مصطفانک استیفا سنده ۲۱ تشرین
ثانی سنده ۳۰۸ تاریخنده متفقاً قرار ویریلرک
طرفین وکیللرینه تفهیم قلندی .

نوشهر بدایت محکمه سندن ۱۳ خزیران
سنه ۳۰۵ تاریخی و اونبر عددی ایله ویریلان
اعلامک تمیزی استدعا ایدن نوشهر قضاسنک
چات قریه سی اهالیسندن بالچی اوغلی محمد عارف
و ایبا محمد ایله میز علیه قریه مذکوریه اهالیسندن
امیر احمد اوغلی منلا و حاجی احمد یوم معینه
دائرة کلدکارندن اصول محاکمه حقوقیه قانون
موقتک ایکیوز یکرمی طقوزنجی ماده سی موجبجه
تدقیقات تمیزیه اجرا سنده ابتدار قلندی .

اعلام مذکورک خلاصه مالی مرقومان ملا
و حاجی احمدک چات قریه سنده کائن مشترکاً
متصرف اولدیلری بر باب دکرمان اتصالنده

مذکور ردی و موافق اصول اولان اعلامك
تصدیق طلبیدن عبارت بولمشد.

ایجابی لدى المذاکره اعلام مذکور مطالعه -
سندن منقهم اولدینی اوزره محکمه جه منازع فيه
محل حقنده اجرا قلنان کشف اصول محاکمه
حقوقیه قانوننك التمش اوچنچی ماده سنه توفیق
ایدلامسی وجانب محکمه دن تعیین قلنان نائب محکمه
و اذن اولدینی جهته مومی الیهک انشای کشفده
استماع ایتیش اولدینی شهودك محکمه به جلیله
علی الاصول استماع قلمسی لازم کلورکن بویولده
اجرای معامله اولمیه رق نائب مومی الیهک استماع
ایتدیک شهودك شهادتارینی حاکی اوله رق تنظیم
قلمش اولان مذکور راپوره بنای حکم ایدلامسی
اصول وقانونه مغایر و مستدعیلرک اعتراضی دخی
بو جهته متدائر اولمسیله ووافق نفس الامر
کورلدیکنه بناء اصول محاکمه حقوقیه قانوننك
ایکیوز اوتوز ایکنجی وایکیوز قرق برنجی ماده لری
موجبجه اعلام مذکورك نقضیه قانون مزبورك
ایکیوز قرق دردنچی ماده سی موجبجه کیفیتك
صورت مشروحه دائره سنده یکیدن بالرؤیه
اعلامه ر بطی ضمیمه محکمه مذکوره به اعاده سنه
وزیرده مفرداتی مرقم بشیوز یکریمی اوچ بچی

من بوران بالچی محمد عارف وایبا محمد طرفلرندن
بر باب دکرمان احداث ایله حرقنی یوکسلده رک
کندی دکرمانلرینک دورانی تعطیل ایتدکلرندن
بجمله ضرر واقعك منعی طلب و دعوی ایتلرینه
قارشو مدعی علیهما محمد عارف وایبا محمد دخی
ضرر مذکور وقوعه کلان سیلابدن تولد ایدوب
کندی دکرمانلری حرقك قدیم اوله رق برکونه
ضرری موجب اولدینی مدافعه در میان ایتشلر
ایسه ده مدعی علیهما طرفندن کشاد اولنان
مذکور جدولك سالف الذکر دکرمانه ایراث
مضرت ایتدیک استماع قلنان شهودك شهادتارینه
ثابت اولدینی اولبایده طرفندن تعیین ایدیلان
اهل خبره ایله محکمه اعضا سندن تعیین قلنان
مأمور جانبندن ویریلان راپور مندرجاتندن
مستبان اولسنه بناء مذکور حرقك موقفاً
تخرییه ضرر واقعك ازاله سنه قرار ویرلدیکندن
و مستدعی تمیز محمد عارف وایبا محمدك اشبو قرار
علیهنه لایحه لرنده مندرج باشلوجه اعتراضلری
منازع فيه محل حقنده اجرا قلنان کشفك قانونه
توفیق ایدلامسی مغایر قانون اولدیفندن بجمله
اعلامك نقضی استدعا سندن و تمیز علیهما نك
لایحه لرنده محرر نتیجه جوابلری دخی کشف واقع
قانون دائره سنده جریان ایتدیک جهته اعتراض

تمیز به اجرا سنه ایتدار قلندی .

اعلام مذکورك خلاصه مالی مزبوره
حنیفه خاتونك خمارقریه سنده کائن و صیسی اولدینی
اولادینك تحت تصرفده بولنان ترلاردن ایکی
قطعه سنه مرقوم ماردیک و بر باب آخوره دخی
کوزل احمد نام گسنه طرفلرندن وقوعبولان
مداخله نك منعی طلب و ادعا ایتسی و لاجل المحاکمه
تعیین اولنان کونده مدعی علیهما جانبندن اجابت
قائماسی اوزرینه غایبلرنده وکیل مستخر تعیینیه
جریان ایدن محاکمه و تدقیقات نتیجه سنده
عندالاعتراض مدعییه اثبات مدعی ایتدیرلک
وایده مدیک حلاله خصملری تحلیف اولنق اوزره
ذکر اولنان ترلا و آخوردن مرقومانك منع
مداخله لرینه قرار ویرلدیکندن و مستدعی تمیزك
اشبو اعلام علیهنه لایحه سنده محرر باشلوجه
اعتراضاتی مدعییه اصولاً اثبات مدعا ایتدیرلک
وایده مدیک تقدیرده حکم قانون اجرا اولنق
لازم کلور ایکن محکمه مذکوره جه بلا اثبات
منازع فيه اراضیدن کندوسنك منع مداخله سنه
قرار ویرلمسی مغایر قانون اولدیفندن بجمله اعلامك
نقضی استدعا سندن و مذکور مطالعه نامه مندرجاتی
دخی هردعوی عرضحال ایله اقامه اولنق احکام

غروش مصارف محاکمه نك ایلروده حقسنز
حقیقه جق طرفه رجوع ایتك اوزره اول امرده
مستدعی تمیزلردن السنه ۱۸ تشرین اول
سنه ۳۰۶ تاریخنده اکثریت آرا ایله قرار
ویرلدی .

دیوریک بدایت محکمه سندن ۳۰ تشرین ثانی
سنه ۳۰۵ تاریخی و یوز اون درت عددی ایله
صادر اولان اعلامك تمیزینی استدعا ایدن بقیچه
قبوسنده اداره مخصوصه قومانیسی اتصالده
کائن مقیم صرافانندن ماردیک ایله تمیز علیها دیوریک
قضاسنه تابع خمارقریه سنده ساکنه حنیفه خاتون
یوم معینه دائره به کلدکاری کی مدعی علیها جانبندن
جواب لایحه سی دخی کوندردلیدیکندن باش مدعی
عمومیلک مأموریت علیه سنك مطالعه نامه سی
التدفقن صکره اصول محاکمه حقوقیه قانوننك
ایکیوز یکریمی طقوزنجی ماده سی موجبجه تدقیقات

قانونیه اقتضاسندن اولدینی حالده ایکی کشتی
علیهنده بشقه بشقه جهتلره مبتنی اولان دعوالر
بر عرضحال ایله رؤیت اولمش و مدعیه نك صفت
وصایتی رسماً ثابت اولماش و اثنای محاکمه ده
مدعی عمومی استماع قلنامش اولدیغنه منبی
اعتراضات مذ کوره نك موافق قانون اولدینی
بیانندن عبارت بولمیشدر .

ایجابی مذاکره اولندوقده مندرجات اعلامدن
مستفاد اولدینی اوزره من بوره خنیفه خاتونك
بدایه اقامه ایلدیکی دعوی اولاد صفاری طرفندن
بالوصایه آرو آرو خصوصاً دردن طولانی ایکی
شخص علیهنده اولسنه کوره دعاوی مذ کوره نك
بشقه بشقه عرضحال ایله اقامه اولمش و من بوره نك
وصایتی اصولاً تحقیق ایتدیرلکدن صکره مدعی
عمومی حضور یله رؤیت دعوایه ابتدار اوله رق
مجله نك بیک سکر یوز اوتوز دردنجی و اصول
محاکمه حقوقیه قانون موقتك یوز قرق بشنجی
ماده لرنده کوسترلدیکی وجهله غائب عن المجلس
مدعی علیه مانك محافظه حقوقی ضمننده تعیین قلنان
وکیل مسخر مواجهه سنده مدعیه من بوره نك
دعوی وینه سنك استماعیله بعد الثبوت حکم ویرلک
لازم کاسور ایکن دیوزیکی بدایت محکمه سنجه

بورالرینه دقت اولمشه رق بر عرضحال ایله اقامه
ایدیلان دعاوی مذ کوره نك بالقبول مدعیه نك
صفت وصایتی تحقیق ایتدیر یله رک مأمور مومی
الیهک حاضر بولندیرلکسزین اثباتك اعتراضی
وقوعنه تعلیقاً بر منوال محرر قرار ویرلمسی اصول
و قانونه مغایر و مستدعینك اعتراضیله انفال بیان
مطالعنه نامه مندرجاتی دخی بو جهتلره متدائر
اوله رق موافق نفس الامر بولندیغنه بناء اصول
محاکمه حقوقیه قانونك ایکوز اوتوز ایکنجی
و ایکوز قرق برنجی ماده لر ی موجبنجه اعلام
مذ کورك تقضیله قانون من بورك ایکوز قرق
دردنجی ماده سنه توفیقاً کیفیتك صورت مشروحه
دائرة سنده یکیدن بالرؤیه اعلامه ربطی ضمننده
محکمه مذ کوره یه اعاده سنه و زیرده مفردانی
مرقم اوچبوز طقسان طقوز یچق غروش مصارف
تمیزیه نك ایلروده حقسز چیه جق طرفه رجوع
ایتمک اوزره اول امرده مستدعیدن اخذینه
۲۶ اغستوس سنه ۳۰۷ تاریخنده متفقاً قرار
ویرلدی .



چتالجه بدایت محکمه سندن ۲۰ کانون اول
سنه ۳۰۸ تاریخ ی و سکسان درت عددی ایله
ویریلان اعلامك تمیزینی استدعا ایدن چتالجه یه
تابع قبالجه قریه سی اهالیسندن و کورجی اصنافندن
دوه جی احمد وحید وارمنی قریه سنده مقیم میطو
وفوطاکی و کورد قریه لی شعب و حسن و قبالجه
اسکله سنده ساکن کورجی محمد علی و بلاش
و آرتین اغالر وکیلی خلوصی افندی ایله تمیز علیه
درسمعادنده یوکسک قالدیرمده لطیف پاشا
مجله سنده اون درت نومرولی خانه ده مقیم ملتزمیندن
مصطفی اغا وکیلی ادیب افندینك تعیین قلنان
کونده دائرة یه کلر یله ایضاحات شفاهیله لر ی استماع
قلندقدن صکره تدقیقات تمیزیه اجرا سنه
ابتدار اولندی .

اعلام مذ کورك خلاصه مالی من بور مصطفی
اغانك قبالجه استاسیوننه نقل اولنه جق کورك بهر
عربه سندن قرق یاره و شمندوفره تحمیل
ایدیله جک کورك بهر واغونندن التمش غروش
التمق اوزره اوچبوز یدی سنه سی مع حالیه محافظه
رسموی بللرایده بلدیجه کندوسنه احاله و الزام
قلندیغنی حالده مرقومون احمد وحید و میطو
وفوطاکی و شعب و حسن و محمد علی و بلاش

و آرتین اغالر ی مذ کور استاسیوننه نقل و واغونلره
تحمیل ایلدکاری معلوم المقدار کورك رسوم ی
تسویه ایتماش اولدقلرندن بختله بالحساب ایجاب
ایدن رسومك تحصیلی حقدده اقامه ایلدیکی دعوایه
قارشو مدعی علیه وکیلی حمدی افندی موکلاری
ادعا اولنان مقداردن فضله کور نقل و تحمیل
ایتمش رسیده بومثللو رسم و ویرکو طرح و تعیینی
مطلقاً اراده سنیه جناب ملوکانه یه متوقف اولوب
دائرة بلدییه نك وضع واحداثه مأذون اولدینی
جهتله رسوم مذ کوره یی ملتزم مرقومك طلب
وادعا یه صلاحیتی اولدینی بیان ایله موکلارینه
بو بایده خصوصت توجه ایتیه جکئی مقام دفعده
درمیان ایتش ایسه ده مذ کور حالیه و محافظه
رسومك اوتهدنبرو جانب بلدییه دن صورت
رسمیده و سائر رسومات متنوعه میاننده اخذ
و استیفا قلنوب تعامل قدیم دخی بو بولده اولسی
جهتله خصوصت حقدده کی ادعا نك ردینه قرار
ویرلکدن و قرار مذ کور استیفا تصدیق
قلندقدن صکره جریان ایدن محاکمه و تدقیقات
نتیجه سنده مدعی علیه نك علی الانفراد عربه ایله
استاسیوننه نقل و واغونه تحمیل ایلدکاری
اکلاشیلان کورك مع حالیه محافظه رسمی اولدینی
تحقق ایدن اوچ بیک یدیوزاللی غروشك بلدییه

قانونك اوتوز طقوزنجي ماده سنك فقره اخيره سي
موجبجه هر بری حصه لری مقدار نجه مسئول
اولق اوزره مع فائض مدعی علیهم مرقوموندن
تحصیلنه حکمدن و مستدعیار وکیل خلو سی
افدینك اشبو حکم علیهنده کی اعتراضاتك
باشلوجه سی بر رسمك وضع واحدانی اراده سنیه
حضرت پادشاهی به متوقف اولوب مذکور
حالیه و محافظه رسومك اخذ واستیفای حقنده
برکونه اراده سنیه ملوكانه اولدینی کی داخلیه
نظارتی ایله شهر امانتدن رسوم مذکورهنك
الهامی حقنده اوامر متعدده ویرلش ایکن محکمه
مذکوره جبه بوجهتك تدقیق ایدلکسزین
موکلرینك محکومیتی طرفه کیدلمی مقایر قانون
اولدیندن بختله اعلامك نقضی ویمز علیه مصطفی
اغا وکیلی ادیب افدینك نتیجه جوابی دخی
اعتراضات مذکوره نك واهی اولدینی بیانیسه
ردی و اعلامك تصدیقی طلبندن عبارت
بولمشدر .

ایجابی مذاکره اولندقدده اعلام مذکور
مندرجاتندن منفهم اولدینی اوزره بدایه مدعی
اولان مصطفی اغانك ادعا یلدیکی رسوم مذکوره نك
برمنوال محرر مدعی علیهمدن تحصیلنه حکم

اولتمش ایسه ده بومثللو رسوم و تکالیف جدیدهنك
مطلقا اراده سنیه حضرت پادشاهی ایله مؤید
برقانون ایله وضع اولنه جنی بدیعی اولوب مدعا به
اولان حالییه و محافظه رسومك اخذ واستیفای
امرنده ایسه اراده سنیه جناب ملوكانه ایله مؤید
بر نظام مخصوص استیناد اولنمدینی کی تعاملک
قدیم اولسی مشروط اولدینهنه کوره بویه یقین
بروقته احداث اولدینی نمایان اولان بر معامله به
تعامل قدیم دنیه میه جکی درکار و حکمه مدار
اتخاذ ایدیلان بلدییه قانونك اوتوز طقوزنجی
ماده سننده دخی خصوص مدعا به مابه التطبیق
اولنه میه جنی امر اشکار ایکن چتالجه بدایت
محکمه سنججه بوجهتلر تدقیق و تعمیق اولنمقسزین
مدعی علیهمك برمنوال محرر محکومیتلرینه قرار
ویرلسی قانونه مقایر و مستدعیار وکیلنك اعتراضی
موافق نفس الامر کورندیکنه بناء اصول محاکمه
حقوقیه قانونك ایکوز اوتوز ایکنجی ماده سی
موجبجه اعلام مذکورك نقضیه قانون مذکورك
ایکوز قرق دردنجی ماده سی حکمنه توفیقاً قانون
دائرة سننده کیفیتک یکیدن بالرؤیه حکم و اعلامه ربطی
ضمننده محکمه مذکوریه اعاده سنه وزیرده
مفرداتی مرقوم درتیوز طقسان اوچ بیج غروش
مصارف تمیز به نك ایلروده حقسز حقیقه جق طرفه

رجوع ایتک اوزره اول امرده مستدعیلردن
التمسنه ۲۰ مایس سنه ۳۰۹ تاریخنده متفقاً
قرار ویرلدی .

در سعادت بدایت محکمه سی برنجی حقوق
دائرة سندن ۱۱ مارت سنه ۳۰۸ تاریخ ویکرمی
برعددی ایله صادر اولان اعلامك تمیزینی استدعا
ایدن قندقلیده سلیمه خاتون محله سننده نومرو سز
خانده ساکن حرم هایون ناظری مرحوم کال
پاشا کریمه سی لبابه خانك وکیللری شوکت و محمود
رائف بکله ایله تمیزعلیها قوزغنجقدده مقیم تجارت
نظارت جلیله سی زراعت اوطه سی خلفاسندن سالم
بکک زوجیه سی عایشه عفت خانم یوم معینده دائرة
کلدکلرندن ایضاحات شفاهیله لری استماع قلندقدن
صکره تدقیقات تمیزیه اجرا سنه ابتدار
اولندی .

اعلام مذکورك خلاصه مالی مومی ایها

عفت خانم لبابه خانم ایله والده سی زینتی خانم
و برادرلری سعادتلو سعید بک افندی حضرت تارلیله
عزتلو ابراهیم بکک مورثلری مرحوم کال پاشادن
ارتا بالانتقال متصرف اولدقلری قوزغنجقدده
کائن معلوم المقدار برقطعه ملک عرصه سی ورثه
مشار و مومی الیهمدن بدل معلوم مقابلنده اشترا
ایدرك بونلردن سعید و ابراهیم بکله ایله زینتی
خانم جانبندن تقریر رسمی دخی اعطا ایدلمش
ایسه ده مومی الیها لبابه خانك مذکور عرصه ده کی
حصه سی فراغدن امتناع ایلدیکی جهته مومی الیها
عفت خانك مذکور عرصه به ابنیه انشاسیچون
مبايعه ایلدیکی کرج وقوم وسائرهدن طولانی
دوچار اولدینی درت بیک بشیوز غروش ایله
پی اوله رق اولجه مومی الیها لبابه خانم ویرمش
اولدینی سکر لیرانك بدل فراغه محسوبیه مذکور
عرصه نك اجرای فراغه خانم مومی الیها نك مجبور
طوتلمسنی متضمن در سعادت برنجی حقوق دائرة
سندن صادر اولان اعلام غیابی علیهنده مومی
الیها لبابه خانم وکیللرندن شوکت ورائف بکلردن
بالکز شوکت بک طرفندن اعتراض علی الحکم
عرضحالی اعطا قلنمش وکیل مومی الیه شوکت
بکک مجله نك بیک درتیوز التمش بشنجی ماده سی
موجبجه اجرای خصومه وکالتی حائر کورنمش

ایسه ده وکالت مذ کوره بی ناطق حجتده وکیلان مومی الیهامیه اعطا قانمش اولان ماذونیت سائر ورته ایله افراز و تقسیمه و طابو سنداتی اخذه و منازع فیه عرصه یه واضع الید اولنلرایله خصومه مقصور اولوب دعوای حاضره ایسه معترض مومی الیهامیه لبابه خانمک عهده تصرفده بولنن عرصه نك اعطای تقریرندن اخیراً وقوع امتناعی حسبله تقریریه مجبور طوتمعله برابر اولبابده کی ضرر و زیانك بدل فراغه محسوبنی طلبدن عبارت اوله رق حالبوکه معترض علیها عفت خاتم ورته دن اولدینی کی حصه مذ کوره یه دخی واضعه الید بولنامسینه نظراً وکالت مذ کوره نك دعوای حاضره یه شمولی کوریلهمدیکنه منی وکیل مومی الیه شوکت بکک برکونه صفت صلاحیتی بولنمیان دعوای واقعه دن طولانی اعطا ایتیش اولدینی اعتراض عرضحالنك ردینه حکمدن و مستدعیه تمیز لبابه خاتم وکیللری شوکت و رائف بککرك اشبو حکم علیهنده باشلوجه اعتراضلری کندیلرینك حامل اولدقلری کالتنامه ده منازع فیه عرصه ده موکللرینك متصرف اولدینی حصه شایعه منی تقریق و تقسیمه ولدی الحاجه واضع الید بولنلر ایله صوک درجه یه قدر اجرای محاکمه یه ماذونیتاری محرر اولوب مومی الیهامیه عفت خانمک

دخی مذکور عرصه یه ورته وسائر دن شراء وانشا ایده جکی ابنیه نك لوازمی وضع ایله استعمالاً ذی الید بولنمسینه نظراً کندولرینك اعتراض طریقله اجرای محاکمه یه صلاحیتلری درکار بولندینی حالده محکمه جه بوراسنك نظر دقت و اعتنایه التامسی مفایر قانون اولدینندن بختله اعلامك نقضی استدعاسندن و تمیز علیه عفت عایشه خانمک نتیجه جوابی دخی مومی الیهامیه لبابه خانمک وکیل شوکت بکک اولبابده کی وکالتنامه سنده محرر درجه ماذونیتك دعوای حاضره یه غیرشامل بولندینی عندالتدقیق تظاهر ایتیش اولدینی جهته وکیل مومی الیه جانبندن اعطا قلنن اعتراض عرضحالنك محکمه جه ردینه قرار ویرلمی موافق قانون اولوب اعتراضات واقعه نك واهی اوله جنی بیانیه ردی و اعلامك تصدیق طلبندن عبارت بولنمشدر .

ایحای لدی المذاکره اعلام مذکور مآلندن مستبان اولدینغه کوره غیباً صادر اولان اعلام علیهنده مومی الیهامیه لبابه خاتم جانبندن بالوکاله اعتراض علی الحکم عرضحالی اعطا ایتیش اولان شوکت بکک وکالتی ناطق اولان حجت شرعیه ده مذکور عرصه یه واضع الید بولنلر ایله دخی محاکمه

۶ مارت سنه ۳۰۹ تاریخنده متفقاً قرار ویریلهرک تفهیم قلندی .

اعلان

اوچیوز سکر سنه سی تشرین اولنك اون یدنجی جمعه ایرتسی کونی کیوه قضاسنك اقتصار ناحیه سنه تابع علم بك قریه سنك دکرمن قپوسی نام مخلنده مجروحاً وفات ایدن موطنی اوغلی علی و ترزی اوغلی اسماعیل چاوشك قتل ماده لرندن طولانی مظنون علیه اولوب حال فرارده بولنش و غیباً محاکمه سی اجرا اولنمق اوزره ۱۳ مایس سنه ۳۰۹ تاریخلی و ۱۱ نومرولی مضبطه ایله جنایتله اتهام ایدلش اولان و اوصاف و اشکالی اوراق تحقیقه ده کور یله میان و حقیقه هیئت مذ کوره دن ۱ مایس سنه ۳۰۹ تاریخلی و ۷۳ نومروسیله اخذ و گرفت مذ کوره سی ویرلدیکی حالده هنوز دردست اولنه میان قریه مذ کوره سکنه سندن مقتول مرقوم اسماعیل چاوشك بیوک اوغلی حسینك قانونه اطاعته ازمد جزا محکمه سنه کلسی ایچون اصول محاکات جزائییه قانوننك اوچ

و محاصمه یه مآذون اولیه جنی محرر و مندرج بولنسنه و معترض علیها عفت خانمک اساساً مدعیه و مذکور عرصه نك جزء اعظمه دخی شراء متصرفه اولدینی کی عرصه مذ کوره اوزرینه بنا وانشاسی ایچون طاش کرچ وضع ایدرک معترضه مومی الیهامیه لبابه خانمک حصه شایعه سنه بوضوئله واضع الید بولندینی اعلام غیانی مآلندن منفهم اولنسنه نظراً بدایت محکمه سنجه وکیل مومی الیهامیه محکمه یه اعطا ایتیش اولدینی سالف الذکر اعتراض علی الحکم عرضحالنك قبولیه طرفینك اجرای محاکمه لری اقتضا ایدر ایکن بو جهته دقت ایدلکسزین وکیل مومی الیهامیه دعوای حاضره دن طولانی وکالتی حائز اولدینی بیانیه عرضحال مذکورک ردینه قرار ویرلمی قانونه مفایر و مستدعیه مومی الیهامیه وکیللرینك باشلوجه اعتراضلری دخی بو جهته متدائر اوله رق موافق نفس الامر کورندیکنه بناءً اصول محاکمه حقوقیه قانوننك ایکیوز اوتوز ایکنجی ماده سی موجبجه اعلام مذکورک نقضیه قانون مذکورک ایکیوز قرق دردننجی ماده سی حکمنه توفیقاً کیفیتک یکیدن بالرؤیه اعلامه ر بطی ضمننده محکمه مرقومه یه اعاده سنه وزیرده مفرداتی مرقم درتیوز بکرمی درت بحق غروش مصارف تمیزیه نك ایلروده حقسز چیه حق طرفه رجوع ایتمک اوزره اولامرده مستدعیه تمیز لبابه خاتمک اخذ و استیفاسنه

یوز یتش برنجی ماده سی موجب جنه تاریخ اعلاندن
اعتباراً مرقومه طرف ریاستدن مجدداً اون کون
مهل ویرلش اولمقله مدت مذ کوره ظرفنده
دخی مرقوم ینه ورود ایتدیکی تقدیرده قانونه
اطاعت ایتماش نظریله باقیله رق محاکمه غایبیه سی
بالاجرا حقوق مدنیه دن اسقاط و بولندی فی حالده
اموالی حجز ایدیله جکی و مرقومک بو باده
برکونه دعوایه حتی اوله میه جنی کی بولندی فی محلی
بیئلر خبر ویرمه و بالجمله ضابطه عدلیه مأمور -
لرینک مرقومی طوتمغه مجبور بولندقلری بیانیه
اعلان کیفیت اولنور .

فی ۳۱ مایس سنه ۳۰۹



ن فرنگیان ق کسبیکباشیان قومپانیه سنک
شهرزاده باشنده جامعشریف قارشوسنده ۲۱۵
نومرولی دکانه ساکن ایکن دکان مذ کوری
دور ایدرک آخر محله نقل ایتش واقامتگاهی مجهول
بولنمش اولدینی اصولاً تنظیم ومباشری واسطه

سیله مذ کور اقامتگاهنه ارسال اولنان دعوتیه
ورقه سی زیرینه محل مذ کور امامی طرفندن
یازیلان شرحدن ومدعینک افاده سنندن اکلایشیلان
مانیفاطوره جی اغوب ایوازیان علیهنه درسعات
محکمه تجارتی ایکنجی مجلسنده اقامه ایدیلکی یوز
القی لیرا القی غروش مطلوبات ادعاسنک اوچیوز
طقوز سنه سی تموزینک اون ایکنجی بازار ایتسی
کونی ساعت التیده فصل ورؤیت اولنه چقندن
یوم ووقت مذ کورده مرقوم اغوب ایوازیانک
بالذات محکمه مذ کورده حاضر بولنمسی ویاخود
مصدق سندله بروکیل کوندرمسی لازمکله چکسندن
وشاید کلز وکیل کوندرمز ایسه حقنده معامله
قانونیه نک اجرا اولنه جنی معلوم اولوق اوزره
بوکره تنظیم اولنان دعوتیه ورقه سی محکمه نک
دیوانخانه سنه تعلیق اولندی فی کبی اوراق حوادث
واسطه سیله دخی اعلان کیفیت ایتدار قلندی .

فی ۲۳ ذی الحجه سنه ۳۱۰

وفی ۲۴ حزیران سنه ۳۰۹



(مطبعه عامرده طبع اولنشد)